

cv

(...)

Testament de syre nicolas esquier

Ce jour

Au nom de dieu soyt amen scaichent
tous presans et advenir que ce()jour()huy
vingtroysiesme du moys de **juin mil**
v° quatre vingtz et ung dans la ville
de **villemur** au()diocese de mo(n)tauban et

(sénéchaussée de) th(ou)l(ous)e regnant tres()c(h)restien prince henry par
la grace de dieu roy de france et de pologne
en presances de moy not(aire) royal soubz(sig)ne et
des tesmoings bas nommes / dans ma
maison avant midy estably en [per]sonne
s(ir) **nicolas esquier marchand de villemur**
lequel de son bon gre et()bonne volonte #°
considerant n()y avoir rien plus certain
que la mort ni chose plus incertaine
que l()heure d()icelle a ceste cause a faict
et ordonne son testament nuncupatif et
derniere volunte en la forme et maniere
suyvans en premier lieu led(it) esquier
testateur s()est signe du signe de la
croix disant in nomine patris et filii
et spiritus()santi amen et()recommande
son ame a dieu le create(ur) a()la glorieuse
vierge marie mere de jesus c(h)rist et
a tous les benoistz saintz et saintes de
paradis et a voulu que quant son
ame sera separee de son corps sond(it) corps
soyt ensevely **au cimitiere de l()esgl(is)e**
saint jehan hors les murs de villemur et
aux tumbes de ses predecesseurs et que
ses honneurs de sepulture novene et cap d()an
luy soyent faictz en ensuyvant les [con]stitu(ti)ons
#° estant assiz sur une escabelle bien
seing de son corps et entendement

cvi

de n(ot)re sainte mere esgl(is)e catholicque romaine
aux despens de son bien et()le tout paye [par] ses
herictieres bas nommees aux despens de()son
bien / item a dict et declaire dict et
declaire led(it) esquier testate(ur) qu()il a receu
de **jehanne hugonnencque sa seconde femme**

de lad(ite) hugonencque sa femme semblable

cvii

somme de ^{cent} trente trois escuz ung tiers d()escu d(enie)r
sol payable par sesd(its) herictiers la moytie
quant elle se mariera et le jour de ses nopces
et l autre moytie dans l an apres et en
tous et ch(ac)uns ses autres biens meubles immeubles
noms droictz voix et actions led(it) testateur
a faictes et instituees ses herictieres g(e)n(er)alles
et universelles et les a nommees de sa [pro]pre
bouche / **ceceilhe / catherine / anthonye
guillalme / Anthonye / et anne
esquieres ses filhes** legitimes et naturelles
pour en f(air)e et disposer par elles
[par] esgalles partz et portions a ð
diviser entre elles a ch(ac)une ung sixiesme
a()leurs plaisirs et volutes tant a la vie
que a la mort a la charge de payer
les susd(its) legatz et douaires et de f(air)e et
acomplir le [con]tenu en son presant
testament et ce dessus led(it) esquier testate(ur)
a dict et declaire dict et declaire voloir
estre son testament nuncupatif et
derniere volute cassans et revocquans
et annullans tous autres testamens codicilles
ou donna(ti)ons si aulcun ou aulcunes en auroyt
de faictz ou faictes [par] luy excepte le
presant son testament que veult que
demeure a son entier et efficace valle(ur)
et veult que valhe et soyt valable
[par] droict de testament nuncupatif et
s()il ne valoit et pouvoit valoir [par]

droict de testament nuncupatif veult que valhe
et soyt vallable [par] droict de codicille et
s()il ne valoit ou pouvoit valoir [par] droict de
codicille veult que vailhe et soyt valable
[par] donna(ti)on faicte a cause de mort entre
les vifz a jamais irrevocable et [par] tout
autre droict uz stil et coustume qu()il pourra
mieulx et plus valoir requerant et
prian les tesmoingz bas nommes [par] luy requiz
le(ur) en ouvenir et a moy not(aire) luy en
retenir acte et instrum(ent) ce qu()ay faict ez
presances de m(aître) pierre baron bach(el)ier *en droict*
sires jehan duthuc pierre dupuy march(an)ts
anth(oin)e nissiere masson berenguier villete
marchant jehan forest cordonier michel
golse aussi cordonier de villemur et de
moy jehan richard not(aire) royal dud(it) villemur
requis soubz(sig)ne avec led(it) testate(ur) et
tesmoingz qui scavent signer /

Esquie Dupuy, p(rese)nt Baron, tesmoing

B. Villette *Anth. N...* .I. F

Richard, not(aire) r(o)yal